

Bosna i Hercegovina
Federacija Bosne i Hercegovine
KANTON SARAJEVO
Ministarstvo pravde i uprave



Босна и Херцеговина
Федерација Босне и Херцеговине
КАНТОН САРАЈЕВО
Министарство правде и управе

01
1816
PB-283

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-6550-20/21
Sarajevo, 06.05.2021. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine

PREDMET: Zastupnička inicijativa zastupnika Mahira Devića, odgovor, dostavlja se –

VEZA: Vaš akt, br. 01-04-6550-20/21 od 03.03.2021. godine

Zastupnik Mahir Dević, na 33. Radnoj sjednici Skupštine Kantona Sarajevo, održanoj dana 03.03.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo pokrenuo je zastupničku inicijativu da se "na sva vozila Vlade, Skupštine KS i svih institucija nad kojim nadležnost ima Vlada i Skupština KS ugradi GPRS sistem za praćenje kretanja službenih vozila, a sve u cilju sistemskog rješenja da se zaustavi zloupotreba službenih vozila u privatne i političke svrhe.

Dalje, od Vlade Kantona Sarajevo se traži da pripremi i izradi jedinstven pravilnik o uslovima i načinu korištenja službenih vozila i da izradi registar službenih automobila u KS. Riječ je o stotinama službenih vozila čija zloupotreba izuzetno skupo košta građane Kantona Sarajevo."

U vezi sa dostavljenom inicijativom, Ministarstvo pravde i uprave Kantona Sarajevo se obratilo Agenciji za zaštitu ličnih podataka Bosne i Hercegovine, s ciljem pribavljanja mišljenja da li bi obrada podatka putem ugradnje GPRS sistema za praćenje kretanja službenih vozila, koja bi proizašla iz eventualnog usvajanja navedene inicijative, bila u skladu sa Zakonom o zaštiti ličnih podataka („Službeni glasnik Bosne i Hercegovine“ broj: 49/06, 76/11 i 89/11 - Ispravka).

U Mišljenju Agencije za zaštitu ličnih podataka u Bosni i Hercegovini broj: 03-1-02-1-359-2/21 DGL od 29.04.2021. godine je, između ostalog, navedeno da je "Zakon o radu (je) primjenjiv pravni osnov javnim organima u Kantonu Sarajevo za upotrebu GPS sistema u službenim motornim vozilima, ukoliko je potreban za ostvarivanje zakonitih prava i obaveza iz radnog odnosa."



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



Slijedom navedenog, te uzimajući u obzir odredbe člana 2. st. (1) i (2) Uredbe o obrazovanju Stručne službe za zajedničke poslove, iz kojih proizilazi da su poslovi održavanja i korištenja voznog parka u nadležnosti Stručne službe za zajedničke poslove, kao i to da je Načelnik Stručne službe za zajedničke poslove donosilac Pravilnika o korištenju motornih vozila, Ministarstvo pravde i uprave će ovoj službi proslijediti predmetnu inicijativu na nadležno postupanje.

U vezi sa dostavljenom inicijativom, ukazujemo i na član 12. stav (5) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", br. 18/20, 46/20 i 12/21), koji propisuje da se "Odgada (se) donošenje propisa i akata iz nadležnosti Kantona koji proizvode dodatne fiskalne efekte na Budžet."

Prilog: Mišljenje Agencije za zaštitu ličnih podataka u Bosni i Hercegovini broj: 03-1-02-1-359-2/21 DGL od 29.04.2021. godine

S poštovanjem,

Dostaviti:

- ① Naslovu;
2. Stručna služba Vlade Kantona Sarajevo –
na znanje;
3. a/a.



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1





15-05-2021

Broj: 03-1-02-1-359-2/21 DGL
Datum: 29.04.2021. godine

04

MINISTARSTVO PRAVDE I UPRAVE
KANTONA SARAJEVO
Reisa Džemaludina Čauševića br.1
71000 Sarajevo

Bosna i Hercegovina
Agencija za zaštitu ličnih/osobnih podataka u Bosni i Hercegovini
KANTON 03-04-2021 SARAJEVO

05	04	02	0550+280
----	----	----	----------

PREDMET: Korišćenje GPS sistema u službenim motornim vozilima,
Mišljenje, dostavlja se

VEZA: Vaš akt broj: 03-04-02-1168/21 od 23.03.2021. godine.

Agencija za zaštitu ličnih podataka u Bosni i Hercegovini (u daljem tekstu: Agencija) je zaprimila Vaš upit u kojem je navedeno da je zastupnik u Skupštini Kantona Sarajevo, pokrenuo zastupničku inicijativu da se na vozila Vlade, Skupštine KS i svih institucija nad kojima imaju nadležnost, ugradi GPRS sistem za praćenje kretanja službenih vozila, a sve u cilju sistemskog rješenja za zaustavljanje zloupotrebe službenih vozila u privatne i političke svrhe. U upitu je navedeno da je Ministarstvo pravde i uprave upoznato sa Mišljenjem u vezi korišćenja GPS sistema u službenim vozilima Ministarstva unutrašnjih poslova Zapadno-hercegovačke Županije, a koje je dostupno na web stranici Agencije. Međutim, kada je u pitanju Kanton Sarajevo, prikupljanje podataka putem GPS uređaja nije uređeno niti jednim propisom, zakonom ili podzakonskim aktom. Stoga, zahtijeva se mišljenje Agencije da li bi eventualna ugradnja GPRS sistema u službena vozila i praćenje kretanja istih, na način predložen u zastupničkoj inicijativi, bilo u skladu sa Zakonom o zaštiti ličnih podataka.

U vezi sa naprijed navedenim, na osnovu člana 40. stav (2) tačka g) Zakona o zaštiti ličnih podataka ("Službeni glasnik BiH", broj: 49/06, 76/11 i 89/11), dajemo sljedeće:

MIŠLJENJE

Zakon o zaštiti ličnih podataka (u daljem tekstu: Zakon) je opšti propis koji reguliše obradu i zaštitu ličnih podataka, a primjenjuje se na lične podatke koje obrađuju svi javni organi, fizička i pravna lica, osim ako posebnim zakonom nije propisano drugačije.

GPS sistem (*Global Positioning System*) za praćenje motornog vozila sa GPRS (*General Packet Radio Service*) servisom podrazumijeva određivanje lokacije, pravca i brzine kretanja motornog vozila putem GPS uređaja, te slanje tako prikupljenih podataka putem GPRS servisa za paketski prenos podataka kroz mrežu mobilne telefonije u bazu podataka.

Dakle, GPS sistemom se ne obrađuju lični podaci nosioca podataka koji upravlja motornim vozilom, već lokacijski podaci tog vozila. Međutim, na osnovu podataka o lokaciji

motornog vozila te drugih raspoloživih podataka i dokumentacije, moguće je posredno utvrditi identitet nosioca podataka koji upravlja istim u određenom vremenu.

Član 4. stav (1) tačka a) Zakona, propisuje princip koji obavezuje kontrolora da lične podatke obrađuje na *pravičan i zakonit način*. Ovaj princip podrazumijeva obradu ličnih podataka na osnovu saglasnosti nosioca podataka u smislu člana 5. Zakona ili se obrada vrši bez saglasnosti ukoliko je ispunjen jedan od uslova propisanih u članu 6. Zakona.

Primjenjivi uslovi za obradu ličnih podataka bez saglasnosti nosioca podataka kao u predmetnom slučaju, određeni su članu 6. stav (1) tačka a) i d), prema kojima kontrolor može obrađivati lične podatke bez saglasnosti nosioca podataka „*ako se obrada ličnih podataka vrši u skladu sa zakonom ili je obrada neophodna da bi se ispunile nadležnosti utvrđene zakonom*“, te „*ako je obrada ličnih podataka potrebna za ispunjenje zadatka koji se izvršava u javnom interesu*“.

Zakonom o radu („Službene novine Federacije Bosne i Hercegovine“ broj: 26/16 i 89/18) na čiju primjenu upućuju zakonski propisi kojim se regulišu radni odnosi u javnim organima Kantona Sarajevo, u članu 30. je propisano sljedeće: „*lični podaci radnika ne mogu se prikupljati, obrađivati, koristiti ili dostavljati trećim licima, osim ako je to određeno zakonom ili ako je to potrebno radi ostvarivanja prava i obaveza iz radnoga odnosa*“.

Dakle, Zakon o radu je primjenjiv pravni osnov javnim organima u Kantonu Sarajevo za upotrebu GPS sistema u službenim motornim vozilima, ukoliko je potreban za ostvarivanje zakonitih prava i obaveza iz radnog odnosa.

U vezi ostalih pitanja o upotrebi GPS sistema u službenim motornim vozilima javnih organa u Kantonu Sarajevo, može se primjeniti Mišljenje „*Korišćenje GPS sistema u službenom vozilu MUP-a*“, koje je objavljeno na službenoj stranici Agencije www.azlp.ba, za koje je u aktu veze navedeno da je Ministarstvo prave i uprave upoznat sa istim.

S poštovanjem,

Dostavljeno:

- Naslovu,
- a/a.



Dragoljub Reljić

Sarajevo / Сарајево, Dubrovačka broj 6 / Дубровацка број 6
tel/men +387 33 726-250, fax/факс +387 33 726-251